



## Avaleraasartuunik ammassassuarnillu pisassiissutiniq agguaassinissamut piumasaqaatit

08.05-2024  
Suliap normua: 2023 - 3558  
All. nr. 22959234

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-maili: apn@nanoq.gl  
www.naalakkersuisut.gl

### Avaleraasartoortassanik agguassineq

Ingerlatseqatigiiffinnut kalaallit pigisaannik akuerisanik angallataatilinnut, 2023-mi Tunumi avaleraasartoorniarnissamut qinnuteqarsimasunut pisassiissutit agguanneqassapput. 2024-mi pisassat avaleraasartoorniarnermut ingerlatseqatigiiffinnut kalaallit angallataataannik akuerisanik atuinissamik pilersaaruteqartunut amerlaqatigiisillugit agguanneqassapput. Tunumi avaleraasartuunut ujarlernissaq piumasaqaataavoq.

### Tunumi ujarlerneq:

#### Namminneq angallatigisamik ujarlertoqassappat:

Angallatit avaleraasartoortassanik tunineqarsimasut, nunatta kangiani ulluni tallimani ujarlernissaminnut pisussaaffilerneqarput, angallat ataaseq avaleraasartoortassanik tunineqarsimasooq (nal. ak. 120-t missaanni). Ulloq siulleq aallartissaaq angallat Tunumiilerpat <sup>1</sup>, taamaatissallunilu Tunu qimappagu. Piffissami tassani avaleraasartuut ammassassuilluunniit saniatigut allanik aalisartoqassanngilaq. Avaleraasartoorniarnermi angallatit imminnut ullunik nuussisinnaapput, imatut paasillugu, angallat alla sinnerlugu angallat Tunumi ujarlersinnaalluni. Tamanna pillugu isumaqatigiissuteqarneq taartisiaqarsinnaanermilluunniit isumaqatigiissuteqarsinnaaneq ingerlatseqatigiiffiit namminneq aalajangissavaat. Angallat alla sinnerlugu angallat aalisarpat Aalisarnermut Naalakkersuisoqarfik allakkatigut nalunaarfigineqassaaq.

<sup>1</sup>Piujartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 4, 30. marts 2017-imeersumi § 2 imm 2 naapertorlugu Tunu nassuiaatigineqarpoq.

Angallat Tunumi ulluni tallimani avaleraasartuunik ujarlersimangitsoq, Tunumilu ullut tallimat nammineq sinnerluni angallammik allamik ujarlertsitsinngitsoq, matuma kingorna avaleraasartoortassanik tunineqassanngilaq.

**Angallammik attartortoqarsinnaappat:**

Tunumi aalisarneq ujarlernerlu sunniuteqartilluarumallugit, taamaalillunilu pisassiissutit nungunnissaat pitsaanermik periarfissaqartikkumallugu, Tunumi avaleraasartuunik ujarlernerlutit ingerlatseqatigiiffiit angallammik attartorsinnaapput kiisalu angallatit avaleraasartoorniat sinneri ingerlaannaq nunat tamalaat imartaannut akuersissummik tunineqarsinnaapput. Angallat attartorneqartoq piffissami 1. augustip missaanit kingornagullu ullut 25-t missaanni Tunumi ujarlersinnaassaaq. Attartornermut aningaasartuutit ingerlatseqatigiiffiit ataatsimoorlutik akilissavaat. Ingerlatseqatigiiffiit attartornermut tapiissuteqanngitsut ukiup tullianut avaleraasartuunik pisassiissutinik tunineqassanngillat.

Angallat attartugaq NAFO-mi NEAFC-miluunniit nunatut ilaasortameersuusaaq Ruslandili minillugu, imaluunniit nunameersumiissallutik Naalagaaffinni umiarsualiveqarfiusuni iliuuseqarnissamik Isumaqaatigiisummut ilaalersimasunit, isumaqaatigiisummilu tassani pineqarput pitsaaliuinnermut pinaveersaartitsinermullu atatillugu unioqutitsilluni, nalunaarsorneqanngitsumik malittarisassaqaartinneqanngitsumillu aalisarneq (IUU-aalisarneq).

Attartornermut isumaqaatigiisuttip allaganngorlugu assilineranik Aalisarnermut Naalakkersuisoqarfik pissaaq taannalu akuersissuteqarfignallugu.

Angallat attartugaq nunat tamalaat aalisarnikkut oqartussaaffigisaanut Islandilluunniit aalisarnikkut oqartussaaffigisaanut isersinnaanngilaq.

**Islandip aalisarnikkut oqartussaaffigisaani aalisarsinnaanissaq:**

Nunatsinni angallatit marluk avaleraasartoortassami 10.000 tonsitaat, Islandip aalisarnikkut oqartussaaffigisaani aalisarsinnaatitaalernikuuaat. Aalisarsinnaaneq soqutiginnittut akornanni makitsinikkut agguaanneqassapput. Ingerlatseqatigiiffik peqataanissaminut soqutiginnikkuni qinnuteqaammi imm. 4 *Immikkut oqaaseqaatit* ataani nalunaarutigineqassaaq.

Islandip aalisarnikkut oqartussaaffigisaani aalisarnermi, misissuisoqarnissaa piumasagaataavoq. Tamanna pillugu umiarsuaatileqatigiiffiup nammineerluni Islandimi oqartussat isumaqaatiginiarfigissavai. Erseqqissaatigineqassaaq ukioq kingulleq avaleraasartoorniarnerup nalaani aasakkut suffisunik ammassassuarnik annertuumik, Kalaallit Nunaat pisassiissuteqarfignngisaanik pisaqartoortoqarsimammat. Taamaattumik Islandi sumiiffinnik matoqqasunik angallatinilluunniit nuutsitsisariaqarnermik inatsisinik atuutsitsilersinnaanera aarlerinaateqarpoq.

**Nunat tamalaat imartaannut periarfissaqarneq:**

Pisassiissutiniq qaqitsinissaq sapinngisamik annerpaaq qulakkeerniarlugu, ingerlatseqatigiiffiit angallammik attartorniarnersut Tunumiluunniit namminneq ujarlerniarnersut paasinarseriarpat angallatit nunat tamalaat imartaanut periarfissinneqassapput.

### **Ammassassuartassanik agguaassineq:**

Ammassassuartassiissutit kalaallit aalisariutaataannut piumasaqaatinik naamassinnittunut naligiimmik agguaanneqassasut.

Ingerlatseqatigiiffinnut avaleraasartoortassiissutiniq tunineqarsimasunut ammassassuartassiissutit salliutinneqassapput. Ingerlatseqatigiiffiit taakku akornanni ammassassuartassiissutit naligiimmik agguaanneqassapput. Ingerlatseqatigiiffiit toqqaannartumik ammassassuarnik aalisarusunngippata, ingerlatseqatigiiffinnut Tunumi avaleraasartuunik aalisarusuttunut pisassiissutit tunniunneqassapput. Pisassiissutinit saniatigut pisarineqarsinnaasut matussuserneqarsinnaapput.

Ammassassuarnik pisassiissutit nunat tamalaat imartaanni **aalisarneqarsinnaanngillat.**

### **Agguaasseqqinneq**

Aalisarnerup ingerlanerani tamanna naapertuutissappat avaleraasartoortassiissutit ammassassuartassiissutillu agguaateqqinnissaannut Aalisarnermut, Piniarnermullu Naalakkersuisoq piginnaatinneqarpoq.

Ingerlatseqatigiiffiup pisassiissutaatini tamakkerlugit aalisarnissaanut 500 tonsit ataallugit sinnerisimalerpagit aatsaat agguaasseqqittoqassaaq. Taamaalisoqarnerani ingerlatseqatigiiffiit annertuumik pisassiissutiniq sinneqartoortuillit pillugit pilertorluinnartumik tusarniaaneq nal. ak.-nik 24-inik piffissaliilluni ingerlanneqassaaq. Aalisarnerup ingerlanerani tamanna naapertuutissappat avaleraasartoortassiissutit ammassassuartassiissutillu agguaateqqinnissaannut Aalisarnermut, Piniarnermullu Naalakkersuisoq piginnaatinneqarpoq.

### **Angissutsit oqimaassutsillu pillugit misiligutit**

Angissutsit oqimaassutsillu pillugit misiligutiniq Pinngortitaleriffimmi katersisoqassaaq, taamatuttaarlu dna-mik aqajarormiunillu misissuinissamat misiligutissatut atugassanik aalisakkanik aalajangersimasumik amerlassusilinnik Pinngortitaleriffimmut nassiussisoqassalluni. Taakkununga atatillugu piumasaqaatit allat annertunerusullu kingusinnerusukkat aalajangerneqarsinnaassapput. Piumasaqaatit tamakku maannamut ukiuni tamani atuunnikuupput, Kalaallit Nunaannilu avaleraasartuut siaruaassimanerannut paasissutissanik iluatinnarluinnartunik ilapittuutaanikuullutik.